

18

सोरगिदिं नाय ।

मावथाय 4



0337CH18

विदुषका: जेरै जों खोनानाय आरो खोनासनायनि गेजेरनि फारागथिखौ सावरायदोंमोन, बेबायदिनो जों दा नोजोरनि सायाव सावरायनो थांगासिनो दं । नोजोर होनाया माबा मोनसे बाभ्राखौ खाथिनिफ्राय नायनाय एबा नोजोर होनाय, फोरमायथि बुधुमनाय एबा बेनि सोमोन्दै बांसिन मिथिनो नाजानाय । बेयो नुनायनिफ्राय गुबुन । नोंडो फरायसालियाव थांनाय समाव गोबां सुबुंफोरखौ नुयो । नाथाय नों सासे सुबुंखौ बिसोरनि मावनाय आरो आखुखौ खिनथानो नोजोर होयो । जेब्ला नोंडो बांसिन खौरां मोननो थाखाय माबा मोनसे थासारि, मावनाय एबा सुबुंनि सायाव बांसिन गोसो होयो, अब्ला नोंडो नोजोर होगासिनो दं ।

सासे फावखुंगुरनि थाखाय सोरगिदिं
नायनानै आरो नोजोर होनानै गोबां सोलोंनो
गोनां जायो । जों दासिम जोंनि गोसोनि
सिडाव थानाय सोरजिथाइजों गोबां खामानि
मावदों । दा, जों जोंनि सोरगिदिं सोरजिलु
आरो थुलुंगा नागिरगोन ।



नों सोलोंगोन

रोखायै सानस्रि, सोरजिलु, बिबुंथिनि
फोथायथि, सल' खिन्थानाय, सोंलु
सोंनाय, नोजोर होनाय, जायगायारि
नायजाब, दोरोडारियाव ।

मावफारि 12

नोजोर होनाय आरो सल' खिन्थानाय

नोंनि सोरगिदिं थानाय सुबुंफोरखौ नोजोर हो । बिदिन्थि बायदियै-
साखाथिनि सासे गलादार, सासे गाइखेर फानग्रा, नोंनि बिफा आरो
बिमाया ओंखाम संग्रायाव संग्रासिनो दं ।

सासे सुबुंखौ सिनायथि खालाम आरो बिसोरनि आखुखौ मानि ।
बिसोरनि थाबायनानै रायज्जायनाय रोखोमखौ नोजोर हो, आरो बिसोर
बाहायनाय जायखिजाया होबथाग्रा, बिसोर मा रोखोमनि जि-जोम गानो,
बिसोर खालामनाय जायखिजाया रुजुजायै खामानि बायदि बायदि ।
बेफोर गासैबो गुदि खिथाफोरखौ नायनो आरो बेखौ लिरनो थाखाय नोंनो
सान 2-3 सान लानो हागौ ।

मोनसे सल'खौ हमदां ।

गुदि

सासे सुबुंनि सोमोन्दै मोनसे गोरलै बरनायनाय
फोरमायथि । बिनि उनाव बै सुबुंजों मोनसे सल'खौ
मिरु आखु महुरै बिजिरनाय जायो (बेयो मोनसे
सानबोलावरियारि सल' जानो हागौ) ।

सिगांग्रो

बै सुबुंनि आखुथायफोरजों मोनसे फाव खालामनाय
जायनि सायाव नोजोर होनाय जादोंमोन
(मोनदांथिफोर, खामानिफोर, आखुथायफोर आरो गारां
रायज्जायनायफोरजों)



सावरायनाय आरो फिनजाथाय

- हाबाफारिनि बबे बाहागोखौ नों बांसिन मोजां मोनो? मानो?
- नोंडो नोंनि नोजोरफोरखौ बाहायथाव मोनो नामा?
- नोंडो बै सुबुंजों सोमोन्दो लाखिनो हादोंमोन नामा जायखौ नोंडो गोरलैयै नायगासिनो दंमोन?
- नोंडो गावनि सोमोन्दै मा गोदान बाभ्रा सोलोंखो?

बेयो बेंखननि
सम !



बेंखन सम न'टफोर

बिसोर सोर? बिसोर मा खालामदों?

सावगारिखौ नोजोर हो आरो मा जागासिनो दं बेनि सोमोन्दै मोनसे गोरलै सल' सोरजि। बेखौ थाखो खथायाव आव फोरमायनानै हो।

मावफारि 13

सावगारिनि सल' खिन्थानाय

गोनांथिफोर — नुथायारि थुलुंगागोनां सावगारिफोर । बेफोर गावसोरनि नुथायारि आरिमु थाखोफोराव फरायसाफोरजों थियारि खालामजानाय सावगारिफोर जानो हागौ ।

बिथोनफोर — नोंनि फोरोंगिरिआ दिन्थिगासिनो थानाय सावगारिखौ नाय । सावथुनाव गासैबो गुदि खिथाफोरखौ नोजोर हो । खामानिफोर आरो फोरमायथिफोरखौ बाहायनानै नों गावनि नायसंनायनि सायाव बिथा खालामनानै मोनसे सल 'सोरजिनांगौ आरो बुंफोरनांगौ ।



मोनसे सावगारि सल' सोरजि ।

गुदि

मोनसे बेसाद एबा जुनारनि मोनसे गोरलै सावगारि बाहाय (फांसे बिफां, बर्तन, मासे मावजि बायदि बायदि) आरो बेनि सोमोन्दै मोनसे सल' खिन्था ।



गिबिसिनाव

मोननै सावगारिखौ फोनांजाब आरो मोनसे गोदान सल' बानाय । (थाखोयाव बाहायजानाय आथिखालनि सावगारिफोरनिफ्राय) बिदिन्थि बायदियै, गोजौनि सावगारि बायदि, मासे मावजिनि सल'खौ नाजों फोनांजाब ।

सावरायनाय आरो फिनजाथाय

- हाबाफारिनि बबे बाहागोखौ नोडो बांसिन मोजां मोनो? मानो?
- नों बे हाबाफारिखौ जायखिजाया जायगायाव बाहायनो हागोन नामा?
- नोंडो नोंनि सोमोन्दै मा गोदान बाथ्रा सोलोंखो?



बेंखन समनि मावफारिफोर

दा नोंडो नोंनि सोरगिदिं जेरावबो सल'फोरनि सानसिफोर मोननो हागोन । बेयो थुलुंगाया र नडा नामा ? जेब्लानो नोडो बबेबा गोसो बोनो हानाय सुबुं, मुवा बेसाद एबा थासारिखौ मोनो, सल'फोरनि थाखाय गोदान सानसिफोरनि न'ट बानायनो थाखाय नोंजों लोगोसे गांसे बिजाब लांफा ।

बेयो नोंनि उननि लिरनाय हांखो जानो हागौ !

बेनिखायनो, नोंनि सोरगिदिं थानाय गासैखौबो सोमोनांनायजों नाय । गोसो गुदुं नोजोर होनायनि बे आरिमुआव, नोंडो मुलुगखौ नागिरना दिहुननो सोलोंगोन !



नुथाय 8—सुबुं समाजनि सोरजिथाइ

मावफारि 14

जेरै जों सल 'फोराव सानदांथिफोरखौ नायनो
सोलोंबाय, फै जों जोंनि सोरगिदिं नायजाबनि
मा गुबुन रोखोमफोर आरो महरफोर दं बेखौबो
नायनि । भारतआ आरिमु आरो हारिमुजों
औरैबादि धोनि दि नोंडो मोनफ्रोम 100
किल'मिताराव मोनसे गोदान आरो गुबुन आरिमु
महर मोनगोन । जोंनि ह्रादोरनि बायदि रोखोम
आरो धोनिआ बेबादि !

नोंनि रायजोनिफ्राय फावथायनि मोनसे महर
नायगिरनो नाजा ।



बन्द' पाथेर,
काश्मीर



माउच,
मध्य प्रदेश



आनकिया नात,
असम




भाभाई, गुजरात



बायालटा,
कर्नाटका



जाला,
सोनाब बेंगल



गावनि जिल्लायाव आरो बेनि खाथि-खालायाव दिन्धिफुंजानाय मोननै नायजाब
महरफोरखौ सिनायथि हो । नों गावनि नखर एबा लोगोफोरखौ मददनि थाखाय
सोंनो ह्रायो । गाहायाव बेनि मोनसे सावगारि सिथाब आरो मोनफ्रोमबो महरनि
सोमोन्दै मोनथाम सारिपोर लिर ।



नोंनि रायजो आरो जिल्लानि मुं

बेयाव मोनसे सावगारि सिथाब एबा बेनि
सावगारि आखि ।

बेयाव मोनसे सावगारि सिथाब खालाम एबा
बेनि सावगारि आखि ।